

Mundang - Gbah Jol Derewol Masəŋ - Comfort Scriptures

2 Korintien 1:2-4 Masəŋ Pa man ne Dəblii Yesu Kristu mo joŋ gboŋboŋ wo bii təkine nyi jam nyi we. 3 Na joŋ osoko nyi Masəŋ Pah Dəblii man Yesu Kristu, Pam ma kwan syakke, Masəŋ ma gbah jol dəb pə bə daŋ. 4 A gbah jol man pəzyil bone man daŋ ka na gak gbah jol za mai bone moo gin tə bəe daŋ na fahlili gbah jol mai Masəŋ mo gbah jol man bo ne ko.

Bə Təboroo 15:13 Ne cok dəb mo tə laa pə'nyah be, a syesyakke, amma ne cok mo tə swaa bə be, mo kwan zahpel ah a woo ma ne.

1 Za Gonje 8:66 So ne zah'nan nama ah nyi fahlili nyi za kalra o. Joŋra osoko nyi gonje, kalra ge fah yaŋ bəe ne laa pə'nyahre. Zahzyil bəe laa pə'nyah pəlli, mor bə sāh mai Dəblii mo joŋ wo dəb yeb ah David, ne zan ah Israel daŋ.

1 Kee Bə 16:10 We laa pə'nyah mor awe ye zan ahe. Awe za ma duu Dəblii daŋ, we laa pə'nyahre.

Bə Təboroo 12:25 Bə swaa a nī bə 'nyah wo dəb kalle, amma bə ma'nyah ah a joŋ suu dəb laa pə'nyahre.

Bə Təboroo 13:12 Dəb mo byak fan liilii mo lwaaya ba be, a beb zahzyil nyi dəbbi, amma mo lwaaya fan mai mo ne 'yah ah be, a nyi swah nyi ko.

Esaia 30:26 Fii ga səə cok təgbana comme, so com ga səə cok kal matāa zahləŋ rəŋ, təgbana cokfāi ma zah'nan tə rəŋ. Fan mai daŋ a ga joŋ ne cok mai Dəblii moo ga kiŋ nwāh mai mo kan wo zan ah təkine lab ra.

Hosea 13:8 Me ga ur ne we na swāhtəkeekee mai za mo lal woo wee ah bo mo tə kyebbe. Me ga cur we ne fyāh na bolle, me ga pahl we na fan cok moo pahl fanne.

1 Samuel 1:8,10 So wor ah Elkana a faa nyi ko: Anna, mo yeyee, mo ka ren fan a mor fēene? Mo swaa bə mor fēene? Me kal wee wəə jemma wo bo ya ne? 10 Anna ne bə swaa pə zahzyil ahe, juupel wo Dəblii so yeyee pəlli.

Ləŋni 25:16,17 Mo cii nahnen ū me, mo kwo syak tə be, Mor me ye mabaidəbbi, me pətətərə. 17 Mo wəə me jol bə swaa be, Mo ū me gin zah gabbe.

Ləŋni 34:19 Dəblii a yea gwari ne za mai zahzyil moo nəə ra, A ū za mai byak fan mo ū ra pee bo.

Ləŋni 38:9 Swah suu be vər bo, Me joŋ bo pətətərə, Zahzyil be tə laa gabbe, Me tə 'mee ne bone.

Ləŋni 55:5 Zahzyil nəə me bo, Gal wul tə ren me pəlli no cam.

Ləŋni 61:3,4 Ne cok me pədək ne yaŋ, me tə swaa bə, me dii mo. Mo banj

me mo ge muŋ me, mor amo ye pa byak be, 4 Amo ye baale ma byak be pel za syin be.

Ləŋni 62:9 Za be, zah'nan daŋ we sob suu bii wo Masəŋ, We kee bə gab bii daŋ nyi ko, Mor ako ye pa byak mana.

Ləŋni 73:26 Koo zahzyil be ne suu be mo joŋ pətətəθə laŋ, amma Masəŋ ye swah be, Fan ki ka pee me ya.

Ləŋni 77:3,4 Ne cok gab mo lwaas me, me juupel wo Dəblii. Me nən suŋ cii me banj bol be ge səŋ ne juupelle, Amma ne daŋ me lwaas swah zahzyil a. 4 Me foo bə Masəŋ, me 'meere, Me swaa bə, zahzyil nəə me.

Ləŋni 86:11 Dəblii, mo cuu fan mai mo 'yah ka me joŋ nyi me, Ka me laa zah bo, me syee mor bo ne goŋga. Mo zyeb zahzyil be ka me joŋ mor bo ne zahzyil vaŋno.

Ləŋni 109:22 Ame pa syakke, me ye mabaidəbbi. Ame ne bə swaa pə zahzyil pə'manne.

Ləŋni 112:7,8 Dəb sāh ka duu gal ne laa bə mabe' ah ya, Inj ah pəswahe, mor sob suu ah bo wo Dəblii. 8 Ka swaa bə wala duu gal a, Mor tə belbel za syin 'min a ga cuura swāare.

Ləŋni 143:4 Mor ahe, me kwo be, me ka gak fan ki ya, Me ne bə swaa pəlli.

Ləŋni 147:3 A kəə za mai zahzyil mo nəə ra bo ka zahzyil bəə mo wuu.

Bə Təboroo 14:30 Zahzyil mo kaa səŋ be, a joŋ suu dəb yea jam, amma təwon a təgbana syem ma dii ne lwaamoliibe.

Pacuubə 1:13 Me lii bə fan daŋ mai mo tə joŋ wo sər ne yella mor ka me lwaas mor ah tə. Yeb ah yeb gab ye Masəŋ kan bo tə dəfuu.

Pacuubə 2:10 Fan mai zahzyil be mo tə 'yah daŋ me jiŋ nyi ya. Me cak suu be gin tə fan mai moo joŋ me laa pə'nyah koo vaŋno ya. Oho, me re reba yeb mai me joŋ daŋ pəlli, me laa pə'nyah pəzyil yeb be me joŋ daŋ, reba be kooko.

Pacuubə 2:22,23 Pəzyil bə marai daŋ dəfuu sye a ne reba fēe gŋ ka mo gabra suu bəə ne joŋ fan mai mo tə 'yahra joŋ ah ne? 23 Yeb bəə ka joŋ fan ki nyi ra ya, sai bə swaa təkine gab pə zah'nan Masəŋ daŋ, so ne suŋ laŋ zahzyil bəə ka 'yak ya. Mai laŋ bə bai mor o.

Pacuubə 11:10 Mo cak fan mai moo nyi bə swaa təkine syemme, mor laŋ ne swah suu a ñə dəb pee gwari.

Esaia 30:29 Amma awe za Masəŋ, we ga laa pə'nyahre, we ga dəə ləŋ təgbana mai wee dəə ləŋ ne suŋ ne cok joŋ fii matədaŋdaŋ. We ga laa pə'nyah təgbana za mai moo banra bal zah cii jak tə fahlii ga yan Dəblii, pa ma byak Israel.

Esaia 57:15 Ame ye Masəŋ Matədaŋdaŋ ma coksəŋ mai moo yea ga lii. Ame kaa bo coksəŋ pə cok matədaŋdaŋ ahe, amma me so kaa bo ne za mai moo swaara bə tə fabe' bəə moo wonra suu bəə ta, mor ka swaa

zahzyil bəə təkine wuu tə'yak bəəra.

Esaia 65:14 A ga dəəra ləŋ ne laa pə'nyahre, amma we ga yeyee, zahzyil ga nəə we.

Esaia 66:13,14 Me ga kəə we bər yaŋ Jerusalem təgbana ma wel moo kəə wel ahe. 14 Ne cok we kwo fan ah mo tə joŋ be, we ga laa pə'nyahre, bə ah ga nyi swah nyi we, we ga yea jam. So we ga tə, ame Dəblii me gbah jol za mai moo laara zah be, me baŋ kpāh tə za syiŋ be.

Jeremias 15:16 Ne cok mo faa bə nyi me be, ame syii sok laa bə faa bo daŋ. Dəblii Masəŋ ma ne swah daŋ, ame ye ma bo, bə faa bo a joŋ zahzyil be laa pə'nyah ne suu be daŋ.

Jeremias 24:7 Me ga joŋ ra ka mo təra, ame ye Dəblii. So a ga yeara za be, ame ye ga yea Masəŋ bəəra. Mor a ga jinra ge wo be ne zahzyil vaŋno.

Yohana 14:1 Yesu faa nyi ra: We swaa bə ki ka, we nyiŋ Masəŋ, we nyiŋ me ta.

Yohana 14:27 Me tə sob jam nyi we, jam be ye me tə nyi nyi we, me ka tə nyi nyi we təgbana za sər moo nyira ya. We swaa bə ki ka, gal mo re we ka ta.

Yohana 16:6 Amma mor zahzyil bii tə swaa bə mor me faa bə mai bo nyi we.

Yohana 16:22 Nai ne we ta, zəzəəko we tə swaa bə, amma ne cok mee ga kwo we fada, zahzyil bii ga laa pə'nyahre. Dəb mai moo gak nyiŋ bə 'nyah ah jol bii kəkao.

Yeb Zapee 2:46 Zah'nan daŋ a taira ga yaŋ Masəŋ, a renra farel bəə kəsyil ki bər yaŋ bəə ne laa pə'nyah ne zahzyil vaŋno.

Romanen 9:2 Mor zahzyil be tə foo bə pəlli, bone ah a ga pel wo be.

2 Korintien 2:4 Oho, me ɻwəə bə mai wo bii ne bə swaa pə zahzyil ne bə foo təkine mii yee nahnen daŋ mor ka joŋ we swaa bə ya, amma mor ka we tə bə 'yah mai me tə 'yah we.

Efesien 5:19 We swaa zahzyil nyi ki ne ləŋni, we dəə ləŋ yiŋ Masəŋ ne ko, we dəə ləŋ mai Tə'yak Matədaŋdan ye moo cuuni, we dəə ləŋ yiŋ Dəblii ne ko ne zahzyil bii daŋ.